

天津府志卷之五

風俗物產志

任土作貢首紀夏書周禮職方氏詳列穀蓄所宜而司徒土會之法并及植物漢書志地理則兼五方之風俗與物土所宜而並載之其制遂爲作史者所不廢郡東隣大海西接羣淀南控青齊北拱神京縱橫數百里爲一大都會其間士民以農桑爲先務以詩書爲要領而魚鹽之利甲於燕冀諸郡所儲者饒矣

昭代

天津府志

卷之五 風俗

一

聖聖相承德洋恩普凡所以正德厚生者無所不至則食毛踐土之民當益勵敦龐還淳反朴以含哺鼓腹於

堯天可爾志風俗物產

風俗

天津縣

天津近東海永樂初始闢而居之雜以閩廣吳楚齊梁之民風俗不甚純一性少惇樸

天津無沃田人皆以賈趨利

地當衝要人雜五方

領 民性淳良俗皆敦樸以農桑爲先務以詩書爲要

貴德恥爭民淳訟簡近來五方雜處逐末者衆訟  
獄繁興習尚奢靡以上天津衛志

青縣

其民質樸不事浮華男勤稼穡女務蠶桑

大夫重廉節士淳朴不務外事高者肆力於詩書  
其次竭力耕作

民性淳厚俗信鬼神以上青縣志

靜海縣

天津府志

卷之五 風俗

風俗樸茂蹈禮義而服聲名

輕財尚義

民恃魚鹽

務農桑尚祈禱家少餘積士敬長上

士大夫操履謹醇輸賦每先於百姓不事干謁囑

托家詩書戶絃誦文風視昔倍盛科目亦絡繹不

絕昔稱河間文物衣冠之盛比於鄒魯靜邑差無

愧云

闔縣田土多佃戶分種耕耘有二次三次者間有  
一次者糞田者不數數見女多不識織紡

邑俗縉紳出入里巷無騎乘接見鄉親長幼之節  
斯須不紊今雖少變而士紳以公事至者序齒不

序爵以上靜海縣志

### 滄州

滄州古渤海地風俗鷙悍高尚氣力

賣劍買牛賣刀買犢

尚氣節以功名自許

衣冠人物比於鄒魯

廉恥成風士氣鼓勵

衣冠不乏風俗熙熙以上滄州志

### 天津府志

#### 卷之五 風俗

### 南皮縣

南皮軍民雜處悍鷙難馭成弘間士風恬退子弟

謙恭

進退以禮

性好奢靡

民惟敦樸務在農桑

不喜臧否人物

人性質厚少文多專經術大率氣勇尚義號為強

伎士平而近邊習於戰鬪

賦重簡僻易治

地無險阻人無逋賦

城西地沮洳宜菽麥濱漕河者以逐末代耕而繁  
華爲甚地稍腴俗多種樹梨棗之利居多東北當  
九河下流一遇衝決卽爲澤國天津之屯種在焉  
軍民錯處悍鷲難馭東爲舊高樂田多白壤木棉  
之產頗饒好鷹狗東南爲饒安西鄙積沙少穫驕  
獷喜鬪南爲舊臨津土窄人稠勤於耕作弦誦力  
穡外無他技巧

以上南皮縣志

### 鹽山縣

士務經學不崇佛老僻在海隅故民多力田而逐

## 天津府志

### 卷之五

風俗

四

末者少頗有淳厚之風

士尚名節

俗重信義

侈文信鬼椎販時有

以上鹽山縣志

### 慶雲縣

慶雲不事詩書農桑爲業邇來雅尚儒術視昔有

加

古俗勁勇而沉靜椎補少文

俗多織作士務功名習尚淳厚民皆務本

好經術矜功名務農桑崇學業文物彬彬而豪悍

之習自若

農桑爲先詩書爲要民淳訟簡不事浮華高尚氣力佞信佛教

士多文雅人性寬舒沉摯多材悲歌感慨自古號多豪傑蹈禮義而服聲名

嫁女必論氏族或不相當雖貴且富不通婚姻其締姻者屢世親恤頗有厚道

慶邑俗頗近古爲士者恥奔競畏清議爲民者力稼穡輕末作無逋賦無鬪訟尊吏畏法有三代遺

風

以上慶雲縣志

天津府志

卷之五 風俗

五

天津縣

歲時 正月元旦賀歲食角取更新交子之義親

戚鄉里交拜履新互相請席名曰吃年茶立春前

一日迎芒神設實啖春餅立春日食蘿蔔名咬春

鞭土牛觀者取土塗壁上元日通衢張燈結綵放

花炬婦女羣遊曰走百病作粉丸食之曰元宵二

十五日填倉羅灰末於院中名曰打囤置諸穀少

許於中爲豐登兆 二月初二日以灰末穀糠末

從河下引至家名曰引錢龍食煎餅煎糕粉 三

月清明前一日爲寒食婦女上墳掃墓標楮錢焚

化增新土於塚上陳祭品哭新鬼 四月初八日  
浴佛邑人就農桑業 五月五日書門符懸艾虎  
兒童綵繩繫臂謂之續命縷戚里餽角黍飲菖蒲  
雄黃酒書硃符以驅百毒採百艸爲膏 六月六  
日曝書帙衣服造麩造醬飲豆湯食麩 七月七  
日女子設瓜果祀織女乞巧十五日薦祖先各廟  
修蘭盆會放河燈路燈 八月中秋戚里餽送月  
餅設瓜餅拜月親友相率釀飲 九月九日登高  
尋菊 十月一日祀祖先焚寒衣 十一月冬至  
拜官府謁師長如年節禮紳衿行之 十二月八

天津府志

卷之五

風俗

六

日食臘粥以豆米棗栗雜煮之曰臘八粥兼飼貧  
二十四日相傳竈君朝天設糖菓而餞之除夕多  
嫁娶易門神換桃符插芝蔴稽於壁辭歲祭祖禰  
祭品較常豐盛家人設酒守歲

婚禮 以通媒爲定不計財禮不侈粧奩親迎士  
衿行之合巹三日拜天地及舅姑謁家廟母家餽  
送三日

喪禮 臨危不復故後哭奠於城隍廟土地祠三  
日變服邇來漸趨浮靡修醮行香出殯之日紙人  
竹馬綵童花架之費甚繁明時鼓樂擡槓分三衢

地方甚爲喪家之害兼有義損歷年禁革

祭禮 元旦清明七月望日十月朔日或祭掃墳

祭或祭奠通衢

青縣

歲時 正月元旦祀神更相賀歲立春鞭土牛貼

宜春啖春餅釘春盤上元賞燈放花前後三日十

六日病婦陶炙過橋家人結羊腸以下休咎二十

五日填倉下旬入學民始耕 二月二日引龍社

日鄉社祭先農春分釀酒冰泮取魚 三月三日

祀真武廟三皇廟寒食墓祭樹鞦韆放紙鳶清明

天津府志

卷之五

風俗

七

祭墓插柳看花踏青挑菜穀雨禁蟲蝎二十八日

祭京嶽廟 四月四日釀酒八日浴佛十八日祭

泰山祠二十八日祀藥王廟 五月五日食角黍

飲菖蒲酒插符艾繫縷捉蝦蟆採藥逆女十三日

祀關帝廟夏至食麥粥 六月六日曝衣儲水造

醬 七月七日掛地頭七夕乞巧浣衣中元祀先

懸麻穀 八月一日天灸中秋祭月社日如春祀

九月九日登高泛萸釀酒 十月朔日墓祭燒

寒衣 十一月冬至煖爐出獵 十二月八日食

臘粥做臘醋二十四日掃舍祭竈除日易門神桃

射修歲事陳祀儀守歲嫁女

靜海縣

歲時 正月元旦祀神拜墓更相賀歲迎春觀春  
牛啖春餅上元以大饅頭爲節食觀燈放花士民  
競夜遊前後三日十六日結羊腸二十五日填倉  
二月二日引龍以糕去蟲寒食拜掃墳墓清明  
插柳穀雨禁蝎 四月二十八日藥王生辰先十  
日上莫州廟 五月五日啖角黍踏青飲酒簪艾  
葉榴花以辟邪 六月六日儲水造麩 七月十  
五拜墓薦廟穀 中秋列酒殺以祭月 九月九  
日不登高 十月朔謁墓謂之送寒衣 冬至士  
大夫拜官長 十二月食臘粥二十四日祀竈掃  
屋塵除夕易符守歲

按滄州志不載歲時意與諸邑不相懸絕不復強  
增

南皮縣

歲時 立春日以五辛爲春盤麪爲餅謂之賞春  
元宵蒸麥麪爲小燈百餘盞燃之中庭凡家之竈  
徑井口戶雷塔欄各置一盞市巷簫鼓喧填爲火  
樹高吐數丈張掛花燈或各以意象作詼言隱語

天津府志

卷之五

風俗

八



相彈射謂之燈謎遊人觀賞至夜分不禁十六日  
結伴遊寺廟登閣走橋日盱始散謂之遣百病  
清明男女各插柳枝挈牲醴香楮登先隴祭畢簪  
草享餽是月庭院設鞦韆戲 端午男女皆佩艾  
葉硃符戶插艾枝以避五毒小兒以綵線繫臂謂  
之續命以竹葉裹黍糯作粽亦名角黍親友交餽  
或延客謂之解粽 七夕女子設瓜果醋脯祭織  
女天孫用盆水浮針觀其所示之象以定女性工  
拙謂之乞巧七月十五日攜瓜果脯醴楮錢登邱  
隴持麻穀至隴上謂之薦新 中秋親友以菓殺

月餅相餽遺月下會聚飛觴呼盧至月影西流乃  
罷謂之翫月 重陽以麪觴蒸糕謂之菊花糕新  
釀黍酒謂之菊花酒邀賓觀菊插茱萸出郊野飲  
謂之登高 十月一日攜酒脯登墓祭奠剪綵紙  
爲衣裳焚之謂之送寒衣 冬至互相拜節擁爐  
會飲謂之扶陽臘月八日以米菽稻麥棗八種雜  
和粥煮食之謂之臘八粥二十四日掃除舍宇夜  
設酒奠 竈薦以飴糖除日各隨家人貧富預備  
酒殺果物以給新年之用門庭結旛榜宜春換桃  
符門神以祓不祥用椒柏葉合酒飲之燈燭熒煌

謂之守歲紙炮聲晝夜嚮震謂之驚山猴

### 鹽山縣

正月元旦夜半子時長幼皆起賀歲食餛飩昧爽親戚黨里交拜履新卽日祭墓迎春日啖春餅觀土牛結綵樓以導芒神十三懸燈於門二十五日填倉 清明前一日日寒食婦女架鞦韆清明日掃墓陳祭哭新鬼士夫挈壺郊遊折柳踏青 四月初八浴佛 端午插艾貼符於門食角黍飲菖蒲雄黃酒避毒採百草爲膏 六月六日曝書帙衣服 七月七日乞巧十四日月淨陳瓜果列蓆

### 天津府志

#### 卷之五

風俗

十

穀薦先祖次日挈祭物拜墓 八月十五日設瓜餅拜月親友相率釀飲 重九登高尋菊飲酒十月朔祀祖先焚寒衣於墓 冬至賀履長官紳交拜畧如元旦 臘八日雜棗菓諸米爲粥日臘八粥兼飼貧二十三日設糖餅菓品祀竈次日掃舍穉童飾鬼面雉戲放爆竹除夕易門神換桃符春聯門羅彩箋陳香燭祭品祀天地祖先較常豐盛老幼圍爐守歲爆竹遠近連聲白夜達旦 喪事 舊從簡約多遵古禮棺槨衣衾附於身者必誠必信明季以來漸趨浮靡設齋修蘸焚楮施

食超度懺悔紙人竹馬綵幢花架觀美之費甚繁  
惑於禍福之說數年不殞

### 慶雲縣

歲時 正月元旦夜半子時長幼皆起賀歲食角  
子親友交拜祭奠元日陰晴卜歲豐歉晴主豐陰  
主歉立春送土牛啖春餅遊東郊人日夜息燭元  
夕張燈食元宵男請五祖教拳棒女請紫姑卜休  
咎十六男女出遊走百病放路燈二十五昧爽以  
前以灰圈地置五穀曰填倉食糕 二月二日以  
糠引於水以灰引至家水甕間謂引龍昧爽以杖

### 天津府志

#### 卷之五

風俗

十一

擊梁避毒蟲春分移栽花木 三月清明前一日  
爲寒食祭奠增土掛紙錢是日栽柳踏青戲鞦韆  
穀雨書符曰辰逢穀雨商山伯莫教青奴枕蓆來  
婦女理蠶 占候 初一初二雨主歲饑月終作玫  
瑰餅 四月八日浴佛十八日西山會場商賈駢  
集 占候 初一初二雨麥疸黃雨後分菊 五月  
五日以五色線繫童男女手足戴綵符艾虎插艾  
於戶食角黍雄黃硃砂菖蒲酒又用雄黃酒灑墻  
壁驅毒蟲午時取百草可療病者蓄之爲藥以墨  
置蝦蟆口療諸毒餽節儀 占候 此日雨有蟲災

十三日栽竹 六月六日農家挂紙錢田間曝書

帙曬衣服 占候此日雨殺蟲初伏食麩三伏作

豆豉麩醬 占候三伏無雨莫種麥淋伏頭旱伏

尾 七月七日女子乞巧滌膩器十四日陳瓜果

祀祖先戶左東向用蔴穀黍稷薦新明日祭於墓

八月十五日設月餅瓜果拜月親友相聚宴飲

農家祭土穀神名青苗社 占候八月初一雨自

冬徂來歲春多旱中秋雲掩月來歲元宵有雪

九月九日婚姻家相餽用麩為糕五色錯雜謂之

重陽糕尋菊登高飲茱萸酒菊花茶 占候重陽

天津府志

卷之五 風俗物產

戊遇一冬晴 十月初一日無貧富皆登墓送寒

衣名燒衣節 占候立冬西北風主來年大熟

十一月冬至拜賀尊長謁官長畧如元旦 十二

月初八日食臘八粥兼餉貧二十三日送竈君朝

天次日掃舍宇兒童擊鑼鼓飾鬼面儺戲除夕爆

竹驅疫門前燎火花炮呼噪羣曰大戶無憂小戶

無憂清平世界百姓無愁

物產

穀屬

稻 河間府志隋時滄州魯城縣地生野稻水穀二千餘頃燕魏民就食之廣羣芳譜有杭有糯北方以

為佳品北方地  
土宜早種

旨特營京東西各路水田天津解海武清等縣共營  
稻田六百二十三頃八十七畝逾年所營稻田  
一莖三穗或一莖雙穗

怡賢親王  
特疏進

呈今則如抵如京歲慶豐  
年羣黎共霑樂利矣

黍 周禮職方氏冀州其穀宜黍稷爾雅翼黍有赤  
黍黑黍黏者別名秫北人謂黃米亦謂之黃糯

稷 廣羣芳譜冀北謂之緊俗呼為糜本草黏  
者為黍不黏者為稷北方地寒種之有補

麥 廣羣芳譜北地燥冬多雪春少雨麥書花薄皮多  
麩食之宜人陳者更良畿輔通志小麥具四時之

氣春種者曰春麥大麥  
仁可作飯生芽可作餈

按河間府志小麥有春秋二種大麥有米大麥  
名白麥稈薄而脆以手搯之即成粉故冠以米字

### 天津府志

### 卷之五 物產

十三

梁 廣羣芳譜北方直名之曰穀脫殼則謂之小米北  
人日用不可缺者粟中之大穗長芒而有紅毛白

毛黃毛之昂  
者即梁也

按河間府志謂粟穀粒圓其種有竹根青金蠶兒  
金苗兒水裏紅粳齒金大葉黃羅裙帶朱裏紗箭

稗 白壓翻車靠山黃等名

蜀秫 畿輔通志紅白二種俗呼高糧農政全書蜀  
秫在北方地不宜麥禾者乃種此尤宜下地

稗 爾雅翼稗有二種一黃白一紫黑  
紫黑者芑有毛北人呼為烏禾

糝子 廣羣芳譜北地荒陂處種之苗葉似穀穗  
如粟穗而分數歧碾米煮粥蒸食皆宜

按糝一作  
糝即稗也

蕎麥 廣羣芳譜北人作餅餌日用以  
供常食農人以為禦冬之具

按畿輔通志云  
蕎麥一作菠

大豆爾雅疏戎菽大豆也淮南天文訓北方其地宜

曰料豆北人以飼馬

龍眼豆河間府志

狐狸豆河間府志

羊角豆見靜海縣志

麩豆河間府志

小豆畿輔通志有赤白二種

豌豆廣羣芳譜種出西戎北地尤多

按畿輔通志云北地所產尚有菜豆豇豆刀豆白菹豆等種

脂麻畿輔通志俗作芝麻

天津府志

卷之五 物產

十四

蔬屬

芹河間府志秋深最茂畿輔通志有園芹野芹水芹

菘河間府志即白菜廣羣芳譜北方多入窖內不見風日長出苗葉皆嫩黃色脆美無滓謂之黃芽菜

白菜別種

菠菜畿輔通志一名赤根蘇軾詩北方苦寒今未已雪底菠菜如鐵甲

山藥畿輔通志一名薯蓣

蔓菁畿輔通志一名蕪菁草木蟲魚疏葑蕪菁幽州人或謂之芥爾雅翼蔓菁南北通有之北土種

之尤多

茭白畿輔通志

蒿苳畿輔通志苳如筍俗呼蒿筍

蘿蔔

農書北人蘿蔔一種四名春曰破地錐夏曰夏生秋曰蘿蔔冬曰土酥廣羣芳譜一名萊菔一名紫花菘處處有之北土尤多狀有長圓二類根有紅白二色可生可熟可葅可藪又胡萊菔水菜菔天津衛志旱蘆蒿色紅形圓而大

蒲筍

河間府志肥者堪食

蒼蓬

畿輔通志一名蒸菜

甘露

畿輔通志俗名滴露又名玉環

莧

有紅白二種詢莧錄北人呼苻乃莧音誤也

黃花菜

畿輔通志一名金針

菌

舊畿輔通志木生者如芝草生者如蓋土生者如丁土人總名曰蘑菇惟凍黃天花延壽猴頭雞腿為最

天津府志

卷之五

物產

五

茨菇

擘藍

廣羣芳譜南方謂之芥藍葉可擘食故北人謂之擘藍葉大於松根大於芥臺苗大於白芥斤大於蔓菁河間府志葉厚如茗蓬而圓穠翠如藍葉而大

茵筍菜

廣羣芳譜葉似豌豆紫花三晉為盛齊魯次之燕趙又次之

芋

又一種小者名香芋俗名土豆

茄

畿輔通志又木茄宜生食

灰藜

廣羣芳譜一名灰滌今訛為灰條處處原野有之

玉瓜

學圃餘蔬出燕京者最佳種之火室中逼生花葉二月初即結小實

甜瓜

香瓜

天津衛志甜瓜中形小而味香甜

菜瓜 廣羣芳譜北方名苦瓜色青質脆可生食苦者可作菹

南瓜 一名倭瓜 冬瓜 一作東瓜 絲瓜 北瓜 梢瓜 中瓜

並見天津衛志

懷香 畿輔通志一名八月珠土人名曰小茴香

椒

秦椒 廣羣芳譜以產秦地故名今北方秦樹另有一種

槐芽 椿芽 柳芽 河間府志並堪作茹亦清

春不老 畿輔通志味辛葉青而莖澤

壺蘆 畿輔通志一作葫蘆可挹可食

藕 草木蟲魚疏幽州謂之光旁為光如牛角

天津府志 卷之五 物產

茶 畿輔通志一名苦菜

苻 河間府志叢生木中

蘇 河間府志無紫者不大芬

地梨 見天津衛志

雞頭 見靜海縣志

蒿菜 落籬菜 銀條菜 苦檜菜 菱心菜 並以

河間府志

蔥 有四種曰凍曰胡曰漢曰蒼

蒜

韭



蘆菱一作芡菱

瓠

果屬

桃河間府志銀桃甚巨雖熟不紅味最佳絡絲桃紅白相間金桃色紅扁桃形如小餅秋桃熟遲

李客燕雜記李五紫李綠李黃李麝香李盤山李河間府志青黃紅三種

石榴河間府志紅白酸數種

梅杏畿輔通志梅子本杏屬土人呼為梅杏

杏出於天津葛沽者佳

梨河間府志有數種名秋白最佳土人熬膏

櫻桃

天津府志

卷之五 物產

荸薺較南中者差小

山櫨畿輔通志俗呼山裏紅

栗唐書地理志幽州土貢栗明王嘉謨石甕記幽薊栗千子可食數口

棗神異經北方大棗味有殊既可益氣又安軀

蘋菜采蘭雜志燕北蘋菜果味雖平淡夜置枕邊有時芳香存梵夾蔽芾補風詩楚楫名空得唐梯摘易為乍隨籠壓騎還想雨低枝淡白腮輕柰勺紅

頰肖梨數頭堪飮座連蒂落提攜齒冰臨叩渴香疑下蔡迷枕幽聞逆鼻瑤席嗅支頤墜地誰工寫

頌筐肯見遺靈根吳客少風味細娘知似荔宜添譜采蘭曾費詞玉牕春夢裏贏得寄相思

沙果自花紅畿輔通志綿而沙者曰沙果俗名甜果一名林檎宋起鳳甜果詩野人藝果便為田架

閣誅茆樹杪眠富比成都桑八百業饒笠澤橘三千豪家筐筐修庭實里社門祠享豆籩聞道上方

多却貢採鮮  
從未致郵傳

櫛子即奈子味澀  
通志一名虎喇櫛

羊棗棗一名丁香柿  
棗一名丁香柿

杜梨鄭康成詩注北人謂之  
杜梨南人謂之棠梨

銀杏儀輔通志一名白果一名鴨脚子  
北人見鴨脚南人見胡桃識內不識外疑若橡

栗韜鳴脚類綠  
李其名因葉高

文官果五雜俎形如螺味甚甘類滇之馬金囊  
府志細葉柔枝大略如槐其花叢生

數房

無花果倦遊錄木饅頭京師亦有之謂之無花果  
河間府志不花而生狀如青李大葉勁枝

菱天津產趙賢秋晚詠紅菱調寄滿庭芳詞蓮葑都  
枯芡房已老水鄉風味將殘試尋秋浦葭葦影迷

天津府志 卷之五 物產

六

漫剩有殷紅兩角荒陂外嫋嫋絲寒應留伴橙兒  
橘弟小艇賣來看記五湖放櫂烏篷采取柁底

一交餐悵陽阿歌杏誰罄清歡今日絳襦重解霜  
華冷疑借佩丹無端感故園豆莢不得共登盤

葡萄廣羣芳譜北方天寒初冬草裏埋地尺餘春分  
後取出數日後架起子生去繁葉使霜風露則

結子肥大河間府  
志有紫白二種

西瓜范石湖詩注西瓜味淡而多液本燕北種魏文  
帝與吳質書憶昔南皮之遊浮甘瓜於清泉沉

朱李於  
寒冰

花屬

牡丹廣羣芳譜一名鹿韭一名鼠  
姑一名百兩金一名木芍藥

芍藥本草一名白朮一名解倉白  
者名金芍藥紅者名木芍藥

水仙花長物志水仙六  
朝人呼為雅蒜

秋海棠

丁香

畿輔通志 紫白二種

榴花

起樓臺謂之 重臺石榴

遵生八牋燕中榴花有千瓣白千瓣粉紅千瓣黃千瓣大紅單瓣者比他處不同中心花瓣如

桃花

畿輔通志有山桃園桃惟千葉碧桃為最

李花

又郁李花有粉紅有白郁李即常棣

杏花

梨花

花木考梨花有二種瓣舒者佳

蘋婆花

畿輔通志紅白雅淡北花中之最可愛者

柰花

天津府志

卷之五 物產

九

荷花

爾雅注北方人便以藕為荷亦以蓮為荷

葵

畿輔通志有冬葵戎葵菟葵向日葵黃葵錦葵蜀葵諸種

菊

天津衛志菊有日牡丹娃娃面太師黃太似黃等名河間府志種數多無大佳者

按天津近有洋菊種凡數十花朶穠豔大者幾與芍藥等

探春

畿輔通志白玉紫香二種

薔薇

一作薔薇廣羣芳譜一名刺紅一名山勒一名牛勒一名牛棘

月季

俗呼月月紅一名鬪雪紅一名勝春

木槿

廣羣芳譜一名槿一名槿白日槿紅日槿一名口及一名天蒸

紫藤

迎春

一名金腰帶人家園圃多種之叢生高數尺有及丈者

紫荊

一名滿條紅叢生春開紫花甚細碎數朵一簇無常處或生本身之上或附根下枝上

紫薇

通曉小品一名滿堂紅一名怕癢花西陽雜俎紫薇北人呼為猴郎達樹謂其無皮猴不能捉

也北地其樹絕大有環數夫臂者

金粟

俗名萬芭蓮亦名鸞粟

虞美人

學圃餘疏一名滿園春千葉者佳

長春

俗呼金盞宛陵詩集注一名醒酒花

石竹

一名石菊又名洛陽花叢生花色以數十種計

鳳仙

俗呼海蔘其色數種

玫瑰

遵生八牋有二種其一種色黃出燕中花稍小於紫玫瑰

櫻桃花

廣羣芳譜櫻桃木多陰不甚高春初開白花繁英如雪香如蜜葉圓有尖及細齒

天津府志

卷之五

物產

三

玉簪花

廣羣芳譜處處有之一名白萼一名白鶴仙一名季女

金簪花

一名黃簪

翦春羅

花史一名碎翦羅

山丹

一名紅百合一名連珠一名紅花葉根似百合體小而瓣少莖亦短小葉狹長而尖頗似柳葉

滴滴金

花史一名金錢菊一名夏菊一名艾菊一名旋覆花一名疊羅金

百合花

本草一名翻一名強瞿一名蒜腦譜一名重箱一名中庭花一名重蓮一名中庭

山芥花

春時花開極繁色青紫蔬食最美

珍珠花

色白細朵

望江南

即石厥明

黃刺檠

學圃餘疏刺檠有紅黃二種絕似玫瑰而無香黃者出京師

雞冠

天津衛志有白紅二種近今五色皆備

鹿蔥

色頗類萱但無香爾鹿喜食之故以命名

扁竹

十姊妹

江西臘

即淵明菊色不一類天津府志其花藍色似菊而瓣單

金鈴

色黃即野菊花又白者名銀鈴

轉枝蓮

一名串枝蓮

合歡

俗呼馬纓一名合昏一名青棠

夜合

金含英夜合花詩朝來紅豔儘教看底事燈前欲見難應是名花深自愛五更風雨怕摧殘

荷包牡丹

即當歸花一名朝鮮牡丹

天津府志

卷之五 物產

三

金錢花

一名子午花俗呼夜落金錢

蝴蝶花

一名鳳翼

剪秋羅

一名漢宮秋色

捲丹

一名渥丹

六月菊

苑西集黃心藕合瓣有重紋自六月開至秋都人因名之

僧鞋菊

萱花

一名紫萱一名孤挺花

蓼花

一作水蓬花天津衛志好生泥淖中其花纍纍可愛即紅蓼畿輔通志北地高幾以丈俗呼不

紅花

按花有紅

白二種

金雀花 色黃白者名銀雀花廣羣芳譜叢生莖褐色高數尺有桑刺一簇數葉花生葉傍色黃形

尖旁開兩瓣勢如飛雀甚可愛

牽牛花 俗呼紅娘子

馬蘭 似蘭而大色藍無香 畿輔通志馬蘭生道旁

木屬

松 周禮職方氏冀州其利松栢

柏 見上

樅 松葉栢身

檜 一名栢栢葉松身

竹 土人植者頗多枝葉差小筍不可食吳廷華水西莊竹詩二首土宜河北少移種木西新月淡烟生

天津府志

卷之五 物產

三

影窓虛風有人窟深出濃蔭雷動忽殘春坐嘯可終日孤清托海津竹王有分土相望作三區洋灑意不盡深濃勢欲扶悠然習清衛高絕眇長蘆試問黃初客澄懷得似無

桑 王安石詩幽燕桑葉暗川原幽薊古多樹桑今則絕少矣異苑北方有白桑甚長數寸食之甜美容

齋三筆幽州人以桑葢為糧

榆 名粉河間府志白粉皮可充飢其錢甚美漢壟遂治渤海令民口種十樹備飢爾雅翼江南有刺榆

無大榆蓋大榆北方有之典術北方種榆九根宜蠶桑出穀好

楊 廣羣芳譜北方材木全用楊槐榆柳人多種之

柳 唐書地理志滄州土貢柳箱宋史地理志滄州貢大柳箱

椿 畿輔通志芽可充蔬

檉 河間府志俗名西河柳性浮為舟可以負重

槐 又一種

杜 卽杜梨河間府志

桃木 枝幹勁直色紫皮滑可以裹鏃

檀

柘

欒 緣山谷生之子曰椽

楸

桐 有椅桐青桐梧桐各種燕京賦注椅桐宜於北地

馬英

海楠 見靜海縣志

天津府志

卷之五 物產

三

東山 海經北嶽之

卉屬

商楮 詳蔬屬

莎 可爲笠

蘆 丹銘錄蘆葦本一物北人水傍下濕處生者爲葦其細不及指人家園池間所植者爲蘆其幹差大

濕碧色者爲碧蘆廣羣芳譜 荻似萑而細高數尺中寔

艾 有家野二種

水蔥 形長色碧可爲扇

女蘿 一名金線草

莞 河間府志 可作蓆

蒼耳草即菜

芭蕉根有極大者但冬必藏之土窖

葳

靡蕪

鬱金香

藍染草有大小二種即靛也

茜可染物

佳

麻雄者為臬雌者名苴有綵麻大麻

茅幽燕紀異茅地經冬燒去枝梗至春取土中餘根色如玉者搗汁煮之至甘可為洗心糖

天津府志

卷之五 物產

三

洛神珠一名酸漿俗呼紅姑娘

鹽蓬河間府志葉圓長至秋枝葉俱紅燒灰煎之可得鹽極甘美

鹽蓬河間府志似鹽蓬而大曝乾為燼煎之可得鹽

烟草食物本草閩產者佳燕次之春種夏花秋日取葉切細如髮草頂數葉名曰葢露

老少年一名十樣錦

菖蒲

藥屬

地黃一名地髓本草衍義北人謂之牛奶子

牽牛本草注此藥始出田野人牽牛謝藥故以名焉一名盆甌草一名黑丑白丑一名草金鈴一名

狗耳草處處有之有黑白二種



甘草 甘古作昔一名國老一名靈通一名美草一名蜜草一名蜜甘一名落草

桃仁

杏仁

槐實

草麻子

瞿麥

荆芥

蒲黃

蒲公英

益母草 一名荒蔚

天津府志

卷之五 物產

五

菟絲子 雅在木為女 在草為菟絲

茵陳蒿 唐舊本草此雖蒿類經冬不死更因苗而生故名因陳後加蒿字耳

按廣雅作因塵

紫花地丁 一名箭頭草

天仙子

蛇牀子 本草經一名蛇米一名思益一繩毒一名棗棘花葉似藤蕪

葶藶 爾雅注實葉皆似芥一名狗薺

車前子 卽宋荅爾雅翼幽州人謂之牛舌草

赤色兒

榆白皮

馬前草

北疾藜 楚辭作藜一名茨其刺傷人其疾而利也一名升推一名旁通一名休羽一名屈人一名

行

桑白皮

蘇子

芒硝

蟬蛻

海螵蛸

牡蠣

枸杞

古以常山者為上

天津府志

卷之五 物產

美

地骨皮

扁蓄

斑蝥

瓜蒌仁

天花粉

酸棗仁

夏枯草

朱震亨曰此草夏至後即枯蓋稟純陽之氣得陰氣則枯故名本草綱目一名夕何一名

乃東一名燕而一名鐵色草

谷精草

一作穀精本草綱目穀田餘氣所生故名穀精

防風

廣羣芳譜一名屏風一名回芸一名回草一名百枝一名百蜚本草綱目

云防者禦也其功  
療風最要故名

香附金史地理志  
河間府產

半夏本草綱目禮記月令五月半夏生蓋當  
夏之半也故名一名和姑在處有之

木鼈

靛花

秦王草

蒼耳子詳卉  
屬

獨角蓮

馬齒莧蝮傷搗汁  
塗之立差

薄荷一名菝葜又一  
名金錢薄荷

天津府志  
卷之五 物產

馬兜鈴

青箱子本草綱目一名草蒿一名萋蒿一名崑崙  
草一名野雞冠一名雞冠莧子名草决明

白芥子

金銀花一名金銀藤  
一名忍冬

萱花根

金絲荷葉以上藥品見各州  
縣志因備錄之

貨屬

絲唐書地理志滄州土貢絲河間府  
志宋河間府志絲織絰之所出貢絲

綿太平寰宇記幽州土產綿金  
史地理志河間府產無縫綿

絹唐書地理志瀛州河間郡土貢  
宋史地理志滄州貢大絹

十綬河間府志  
不堪用

布唐書地理志滄州土貢布河間府志  
土布細者次於吳中又有斜文布

席唐書地理志滄州土貢葦簾  
金史地理志河間府產蘭席

鹽周禮職方氏幽州其利魚鹽史記燕有魚鹽棗栗  
之饒漢書地理志章武縣有鹽官太平寰宇記渤

海在鹽山縣東北一百三十里鹹土在縣東七十里田周一百五十里地帶海濱其土鹹鹵海潮朝夕所及百姓煮之為鹽今沿海有場設官司之長

蘆鹽課出於縣者十有五六天津衛志大海去城百餘里商出百萬之課民

獲興販之利魚鹽之數也

按滄州志載有火鹽今無

鹽金史食物志刮  
鹹土煎食者杖

蜜 山蜜多白  
家蜜多紅

天津府志 卷之五 物產

天

酒宋趙珣熙寧酒課十萬貫以上滄二十三務宋張  
能臣酒名記河間府志有金枝玉醞酒河間府志酒

多以菊名然推滄產滄州志釀  
屬有菊酒時酒東陽酒等名

蔥薦 蘆花被 蒲花褥 麻履以上並見  
河間府志

禽屬

鷺爾雅舒雁鷺  
也一名蒼鳴

雞爾雅雞大者蜀子鷄未成雞  
曰健絕有力奮雞三尺為鷄

鴈墨客揮犀北方有白雁秋深則來來則  
霜降爾雅翼北方白雁似鴻而小色白

鷹本草釋名鷹以膺擊故謂之鷹爾雅翼在北為鷹  
在南為鷂一云大為鷹小為鷂本草集解鷹出遼

海者上北地者次之  
北人多取雛養之

鷓見  
上

鶻埤雅鶻拳堅處大如彈丸俯擊鳩鴿食之

魚鷹

淘河爾雅注鶻一名洿澤郭璞曰今之鶻鶻也好羣飛入水食魚故名洿澤俗呼之為淘河本草集

解鶻鶻處處有之

鶻本草集解鶻有兩種似鶻而巢樹者為白鶻黑色曲頸者為烏鶻格物總論鶻水鳥狀類於鶻但赤

脚無朱頂巢於高木絕頂處

鷓鴣本草集解鷓鴣水鳥大如鳧鷖而高脚似雞長喙好啄其頂有紅毛如冠翠鬣碧斑丹背青頸

養之可玩

黃鳥即黃鸝草木蟲魚疏幽州謂之黃鸝一名倉庚一名楚雀

按河間府志又載有阜鸝白鸝

天津府志

卷之五 物產

完

布穀爾雅鳴鳩即布穀

鶩廣雅鶩鶩鴨也本草正誤鶩即鴨有家鴨野鴨

鳧尸子野鴨為鳧

燕廣雅元鳥燕也埤雅越燕多巢堂室中胡燕多在簷下作巢

按天津有土燕無紫頰巢於野外似越燕而小

鳥格物論鳥鴉之別名種類亦繁有鴉鳥有慈鳥本草集解慈鳥北土極多飛作鴉鴉聲禽經北人喜

鴉而惡鴉南人喜鴉而惡鴉

鷺鷥爾雅鷺鷥春鋤也

鶻爾雅鶻鶻醜其飛也猥格物總論南人聞其噪則喜北人聞其噪則悲

鳩草木蟲魚疏鳴鳩深目目上骨露出幽州人謂之鶻鶻巖輔通志祝鳩最多

祝鳩  
即鳩

按風土記云祝鳩即反舌

鷗說文鷗水鳥也本草釋名在海者曰海鷗在江者曰江鷗

鷓鴣即鷓也一名鷓呂覽注青州謂之鷓鴣母周雒謂之鷓幽州謂之鷓

相思鳥

桑扈一名蠟背

鷓鴣爾雅桃蟲鷓其雌俗名巧婦草木蟲魚疏幽州謂之鷓鴣本草集解鷓鴣處處有之

北畫眉一名仄串

阿鷓似山鵲而小聲似畫眉能學各語

地鵲似雁無後跡

天津府志

卷之五 物產

三

鷓鴣爾雅注俗呼茲老

鴛鴦一名啄木本草釋名鴛鴦斲木爾雅此鳥斲裂樹木取蠹食故名

鵲鴝爾雅鵲鴝離渠飛則鳴行則搖

白翎

翠雀多生水際胡忠楨翠雀詩山禽愛顏色毛羽長鮮新暮棲瓊林側晨浴瑤池濱羅人折其翼致

作閨房珍黃金相映耀配以玕琪珣物微足憂患蘭茗生荆榛桂香還自伐象齒焚其身君看烏衣

燕常宿梁間塵

瓦雀本草釋名棲宿檐瓦之間馴近階除之際如賓客然故曰瓦雀俗呼老而斑者為麻雀小而黃

口者為黃雀

靛雀緄輔通志大似瓦雀土人呼為白白回回

紅料又有麻料黃料

鴿本草集解處處人家蓄之亦有野鴿名品雖多大要毛羽不過青白阜綠鵲班數色眼目有大小黃赤綠色而已亦與鳩為匹偶

桃雀禽經狀類黃雀而小燕人謂之巧婦亦謂之女匠

鐵脚

姑丁

獸屬

馬左傳冀之北土馬之所生魏都賦羣馬填廐而駟駿唐書天文志冀之北土馬牧之所蕃燕故天苑

之象存焉

羸廣志羸北方或曰罔

天津府志

卷之五 物產

驢

牛周禮職方氏冀州其畜宜牛羊淮南天文訓北方其地多牛羊

羊見上

豕

狼說文狼似犬銳頭白頰前高後廣爾雅牡獾牝狼其子獾絕有力迅

獾見上

狐本草集解形如小黃狗鼻尖尾大有黃黑白三種

貉本草釋名貉與獾同穴各處故字從各說文作貉亦作貉

狸埤雅獸之在里者故從里穴居藟伏之獸也本草集解狸有數種大小如狐

犬

地猴 一名黃鼠狼 靠雪錄黃鼠畏地猴 入其穴則銜黃鼠喙曳而出之

黃鼠 淵鑿類函黃鼠晴暖則出坐穴口見人則交其 前足拱而如揖乃窺入穴即詩所謂相鼠有禮

韓詩所謂禮鼠 拱而立者也

鼠 說文鼠穴蟲之總名也 象形凡鼠之屬皆從鼠

兔 本草集解兔大如狸而毛褐形如鼠而尾短耳大 而銳上唇缺而無脾長鬚而前足短尻有九孔跌

居趨捷善走其大者為兔似兔 而大青色首與兔同足與鹿同

貓 埤雅鼠善害苗而貓能捕鼠 去苗之害故貓之字從苗

鼯

刺蝟 河間府志其色灰白遍體 剛毛繁而懸之聲似嬰兒

鱗屬

天津府志

卷之五 物產

鯉 山谷別集燕人膾鯉方 寸切其腴以啗所貴

鰕

鯽 埤雅鯽 即鯽魚

魯魚 天津四月 以後出海

羊魚 天津出形圓尾似牛 尾多刺手不可觸

燕魚 春時有 故名

巨羅 細鱗多刺天津 呼為騰香魚

魴 埤雅廣要今之青鯿也細鱗縮頸潤 腹其廣方其厚扁故一曰魴一曰鯿

鱧 埤雅廣要似魴而鱗弱 其色白北土皆呼白鱧

銀魚 天津衛志 十一月有



鮫魚出海

鱧俗呼黑魚一名七星唐書地理志滄州土貢鯉鱧

白條似銀魚而身細肉薄乾可蓄俗曰麩條天津出

魴頭魚俗呼鯉後

鱖魚即鱖

鍼魚其形似鍼天津出

回網魚一名鮰鯉不受釣餌遇網即回魚人以又得之味腴美冬時有俗訛回黃

比目魚魚惟一目行則二魚相附析津日記上人呼為鞋底魚

柳葉魚見靜海縣志

鮎 鱸 鱠 鱠 黃花魚 石鱧 鰻 白魚

天津府志

卷之五 物產

三

鯀 鯖 魴 魴 鱖 魚 鯊 鯛 白眼魚 黃姑魚

以上魚名並見各州縣志因備錄之

河豚脊血有毒其白名西施乳三月間出味為海錯之冠朱彛尊河豚歌天津之水連北溟七十二

沽漩迴汀漁師乘春漾極浦舫射葉葉輕於萍河豚此時舉網得活東大小同賦形賣不直錢棄可惜堆置更比凡魚腥南人見之莞爾笑是物足勝

通侯鱖葦蒲束取十百輩馬馱車載兼手拾晨興主人食指動忽覩兩縛陳吾庭客來疾呼莫莫莫

亟當投畀煩丁寧食熊者肥食盡瘦豆令人重榆則瞋彼猶無傷此獨甚犯之不異衝鈴釘主人語

客且安坐吾言物理君試聽人生一死各有候非英棗華木葉零即如飲啄亦分定鼎腹豈必堅關

扁雖云甘脆腐腸藥不聞茹藿長延齡茲魚信毒種乃別腰胸有法食有經或如燕子尾涎涎或如

束帶腰黃鞞今之饋者皆不爾安用荷鋪狸邱真挾精刮膜漉出血如鼈去醜魚乙丁磨刀霍霍

作片井華水沃雙銅瓶薑芽調辛嫩攪醃荻筍

白萸蒿青日長風和竈觚淨纖塵不到晴牕櫺重  
羅之麪生醬和凝視滓汁仍清冷吾生年命匪在  
卯奚爲舌縮箸蠲停西施乳滑恣教齧索郎酒醜  
未願醒入唇美味縱快意累客坐久心方寧起看  
牆東杏花放橫參七點昏中星吳廷華西施乳詩  
四首正是河鮑初上時館娃風味不堪追馬肝已  
中三吳壽豕腹難歸九島池不共豚蒸王武子終  
同酥識祿山兒笑他資善堂前客一死如牽抱哺  
私香水溪頭張頰日錦帆涇畔進腴初怒瞠不似  
胥門目免乳終羞絕越書曾滴珍珠止兒語敢隨  
銀膾號王餘火田蘆服原佳種一味清芬定不如  
雙峰未入捧心圖誰褪金詞出玉膚楊柳花時誇  
入饌牡丹會上愧煎酥餘膏還布廣長舌逐臭空  
傳明聖湖一嚮難填吳沼恨翻將潤滑媚勾吳南  
烹爭炙死吳娃唐突多應齒莫邪試問酪奴誰上  
品漫將懶婦委東家醍醐本自稱時望乳臭終須  
累鬢華何似渭濱人出  
浴軟香七尺便殘牙

金魚

天津府志

卷之五 物產

三

魚子

河間府志  
津門所饒

鯨

天津魚鹽之  
地所產極饒

介屬

龜

鼈

爾雅鼈三  
足曰能

鰕

金史地理志河間府產錢鰕天津衛志天  
津有虹鰕線鰕對鰕靜海縣志縣產紅鰕

蟹

唐書地理志滄州土貢糖蟹遼志渤海螃蟹紅色  
大如碗螯巨而厚金史地理志河間府產蟹天津

衛志秋間肥美味甲天下  
河間府志蠟蟹名黃甲

螳

天津產裙  
帶螳極美

螺

爾雅蝸  
小者蝸

蚌 爾雅廣要蚌之形刻外剛而內柔性又善麗故也

蛤 有海蛤文蛤青蛤白蛤等種說文海蛤百歲燕所化本草經文蛤表有文山堂肆考毛蛤曰蛾蟻尖

蛤曰齊蛤小蛤曰蠱薄蛤曰蚌稜蛤曰蚌蓋其形殊故名亦不一也

白蜆 又一種名黃蜆

土蚨

蝦米 色白者為銀米小而紅者為金鈎米大者味淡為上出天津

蝦皮 白色而鱸

海螵

蝦醬

蟹醬

天津府志

卷之五 物產

三

蛙 本草一名蟾蜍一名蝦蟆

青雞 俗呼田雞

蟲屬

蠶 史記貨殖傳燕代田畜而事蠶

蠶 有土蠶蜜蠶馬蠶各名爾雅翼北方地燥多在土中故多土蜜方言逢蠶燕趙之間謂之蠓蟬其小者謂之蠓蟬

蠓蟬

蝶 崔豹古今注蛺蝶一名野蛾一名風蝶又有鳳子鳳車等名

蟬 土人呼蟬三伏鳴者聲躁以急曰伏天人秋而涼鳴則淒短曰秋涼

蜻蜓 爾雅蜻蜓一名虿蛭一名負勞說文一名桑根方言注蜻蜓謂之螂蛉呂覽注一名白宿

莎雞 草木蟲魚疏如蝗斑色毛翅數種下翅正赤幽州人謂之蒲錯崔豹古今注莎雞一名絡緯

蟋蟀草木蟲魚疏似蝗而小正黑光澤如漆幽州謂之促織

螻蛄即寒蟻

蟲蚤俗呼螞蚱津人多食之

蠶爾雅疏自關而東趙魏之郊謂之蠶或謂之蠶

蠶爾雅疏自關而東趙魏之郊謂之蠶或謂之蠶

蠶爾雅疏自關而東趙魏之郊謂之蠶或謂之蠶

蠶爾雅疏自關而東趙魏之郊謂之蠶或謂之蠶

蠶爾雅疏自關而東趙魏之郊謂之蠶或謂之蠶

蠶爾雅疏自關而東趙魏之郊謂之蠶或謂之蠶

蠶爾雅疏自關而東趙魏之郊謂之蠶或謂之蠶

天津府志

卷之五

美

螢爾雅螢火即照也呂氏本草螢火一名夜照一名熠燿一名景天一名據火一名挾火

螽斯本草蟲魚疏螽斯蝗類色青長角長股股鳴者也

螽詞林海錯蟻名螽蟻亦名石宮大者為蚍蜉小者為蛾蚱

螽俗呼刀郎爾雅疏燕趙之際謂之食龐其子名螽蛸

蠍草木蟲魚疏蠍幽州謂之蠍癸辛雜識北方火蠍比之常蠍極小其毒甚酷

蟬

螟蛉

竈馬

牛蠔

蟻螞

水牛

花牛 形小色黑背有白點二鬚有節

蜚蠊 翟豹古今注蜚蠊一名蝘蝓一名弄丸一名轉丸能轉土成丸圓止無邪角本草俗名推丸

虵 字說虵螫人也而亦逃人

蜈蚣 毛詩名物解廣雅曰螂蛆蜈蚣性能制虵北燕謂之蛆蝶大者謂之商距一名馬陸

蠅虎

蠹 夢溪華談信安滄景之間多蚊蠹夏月牛羊皆以泥塗之不爾多為蚊蠹所毒則狂逸不可制

蝶帖 爾雅翼今人謂之土狗北方謂之地蝶

蠃術 卽蚰蜒方言趙魏謂之蚰蜒北燕謂之蚰蚘

蠅 爾雅蠅醜扇注好搖翅也

天津府志

卷之五 物產

三

蚊

蜉蝣 爾雅注似天牛而小有角